

Ju Ijtutito Ejtatal Elektoral into Participasion Ciudadana betana (IEE into PC), jume artiikulo 132 into 146 nawaka jum Lei Ijtutisionim into Procedimiento Elektoralimpo Sonora ejtaopo betchi'ibo (LIPEES), 20, 21, 22, INTO 23 Reglamento de Eleksionim Ijtutito Nasional Elektoralpo; into artiikulo 9, fraksion I, 15, 18, 19, 20, 21, 26, 27 into 28 jum Reglamento Konsejero o Konsejera Presilentem yeu puana betchi'ibo, into jume Konsejero o Konsejera Elektoralim jume Konsejo Dijtrital Elektoralimpo na'ikianame into jume Konsejo Munisipal Elektoralimpo, Proseso Elektoral Ordonario Lokal 2023-2024ta weene betchi'ibo: yoemiata Nunu Konsejera into Konsejero Dijtrital into Munisipal Elektoralimpo am weeane betchi'ibo, bempoim emo ji'ojtene betchi'ibo into ji'osiam dokumentasionta bituane yeu puana betchi'ibo.

#### LUTUILAPO WATIAWAME.

- I. Yoemia mejikanotaka tomtilaatune, kaa senu jomewaita nu'ulaatune, ama naabujti into aapoikwa lutu'uria sibilim into poliitikom kaita au ayuka;
- II. Jio'jteitune jum Rejijtro Federal de Elektorimpo into kredensial botaaroa betchi'ibo ian weeriata jipu'une;
- III. 18m wasuktilaatune taewai yeu puawapo;
- IV. Tuu batoipo ta'ena into kaa tu'ik yaalataka kondenata jipu'ulatune, junuentuk juni kaa junuen e'elaataka o kaa ju'unakteka ayuko kaachin jjubae;
- V. Kaa kondenata jipu'ulatune unna kaa tu'ik yaalataka, kaachin jjubar si ju yeu sikame wiutawak; kaa kondenata jipu'ulatune jo'arawapo familiawata ko'okosi yaako, o a jubiawa jamuttuka betchi'ibo ko'okosi a yaak etbwa o mamachisi; senukut mamtek kaa yo'oreka aapoik kaa junuen a eao juni kia au 'i'aka; kaa ji'ibwa aniapo lei mabetlaataka wikiriane, kaachin jjubae si kaita wikiriateko o a beje'etualasuko, into kaa ian weriapo ji'ojteituko ji'ibwa ania ji'ojteimpo;
- VI. Dijtrito o munisipio au weyemtau jomene, o tu'isisi mamni wasuktiapo juni ama jo'ane;
- VII. Kandidatura ke'esam kaa au ji'ojelaatune, into kaa paalabao'orata betana yeu puaritaka tekialatune jume naiki wasukatiam amau bicha ie nunurita na'ikiaka;
- VIII. Kaa direksion nasionalta tekiane o tekialatune, ejtatal o munisipalpa jita partilo poliitiko jume naiki wasuktiam amau bicha ie nunurita na'ikiaka;
- IX. Tekia puppliko kia jita ijtutision puppliko federal o lokalpo kaa lisensiata u'uraitune; into
- X. Kaa am tekipanoalatune jume naiki wasuktiam amau bicha ke'esam yeu puawamta yeu weyeo sekretariapo tua juna'ataka o jum kabinete lekal o ampliado ya'ut teebatpo, ya'ura federasion o jume ejtaom betana, subsekretaria u ofisialia yoo betana juni e'e jum yo'otekil puppliko jita nannale ya'ura betana juni'i. Poder Ejekutibopo kaa tua juna'atune jum ejtaopo, sekretaria ya'urapo juni e'e o nannale lokalpo ae be'ekik ujini e'e. Kaa presilente munisipalpo tekiane, sindikatura o rejidorpo, o tua juna'ataka jum ayuntamiento ya'ut teebatpo.

#### YEU PUAWAMTA WEEYEJRITA JAISA WEYEME.

- I) **Nujmeela ujbwaname ji'ojtewame.** Septiembreta 04po naateka into 08po tajti 2023po, jume numeelam tekiata waatamem bempoim ji'ojteita im yaane ie paajina internetpo luula [www.ieesonora.org.mx/consejosdistritalesmunicipales](http://www.ieesonora.org.mx/consejosdistritalesmunicipales).
- II) **Ji'osia jipu'ube'eri lutu'uria yaawamem.** Jume ji'osia jipu'ube'eri bitwakame lutu'uria yaanau chayaana. Juna lutu'uria yaaname mamni taapo yaana (5) siiko jume ji'osia bitnaame mabetsuwako. Junuen kechia, si jum ji'ojtewapo jita kaa ama na'ikiawako, koreo elektronikopo luula tejwana junaka koptita rutukta betchi'ibo, junue betchi'ibo beja baji (3) taewaim makna, kaibutune si ju taewai Nunuripo ketun juebena au be'oe lu'utine betchi'ibo au tejwai yaawako, junak beja, jum taewai ji'ojtei yechaimpo jiba a yaatune juka koptawakamta rutukta betchi'ibo.
- III) **Nujmeela ujbwaname ji'ojna'ikiari jume lutul a'auwame nau chayawame.** Ju Sekretaria Ejekutiba jume nujmeela ujbwaname ji'ojnaikiawame ji'ojtejwaitene lutul yecha'im beja, lijtritopo, municipio into acchai ujteampo, juname beja si'ime jume kojtitusionalpo a'auwamta im yuma'ariak into lekalpo kechia inie Nunuri a'auwamem into ta'anattemai birtualpo jume elektoral ta'ewampo weyeme, junuen kechia ju hoora into tewai a weenepo. Ju ji'ojtejwai beja oktibre 26po tajti jiba yaatune jum ie paajina elektrinikopo [www.ieesonora.org.mx/consejosdistritalesmunicipales](http://www.ieesonora.org.mx/consejosdistritalesmunicipales), juneun kechi jume IEEintoPCta estralompo.
- IV) **Elektoral ta'ewampo ta'enattemairim.** Ju ta'enattemairi beja 2023 wasuktia oktubre 29po yaana 11:00po, elektronikpo luula senu hoorata jiba binwatune, juna beja nannawit a yaane, ini beja senu weyejritune ie jaisa weye yeu puawamta betana, iniet yeu weeneme beja beje'ewa kurikular into etejoripo nattemaiwamtau kimu betchi'ibo watiawamta weiya. Ju emo majta betvchi'ibo yee tejwame ji'ojtejwaitena jum IEEintoPC paajina elektrinikopo 2023ta septiembreta 04po, jume nujmeela ujbwaname am bitne betchi'ibo. Ju ta'enattemairi inika ayukamta weiyane:
 

a) Pa'alabato'orata Lutu'uriam into a Utte'a joone'um;	f) Elektoral taewaita cha'aka ya'aname;
b) Partiilo poliitikom into jume wewepul kandidaturam;	g) Jina'iki tekil; into
c) IEEintoPCta joo'ota into a tekipanoane'u;	h) O'owim into jaamuchim nanancha bitwame poliitkapo teki
d) Yeu puawamta jaisa a ya'anamta;	betchi'ibo into jamuttuka betchi'ibo kaa na'ikiawateko votaroa o
e) Elektoral taewai tekil;	poliitkapo teki betchi'ibo.
- V) **Nujmeela ujbwaname betana ji'ojna'ikiarim nau chayawame beje'ewa kurickular into etejonattemairi weyejri kibakbetchi'ibo.** Nobiembreta 03po wasuktia 2023ta taewaita kaa naabujti sinme ju ji'ojtejwai jum ie paajina internetpo [www.ieesonora.org.mx/consejosdistritalesmunicipales](http://www.ieesonora.org.mx/consejosdistritalesmunicipales), junuen kechia jume IEEintoPC estralompo. Junuen kechia, tejwaitena ju nujmeela ujbwaname a koreo elektronikopowa.
- VI) **Yua puaname.** Ju Konsejo Jeneral jume nujmeela ama a'aweme ji'ojna'ikiriti yau machiane tekiata a toboktaneme, juname beja yeu puana disiembreta 09po wasuktia 2023po.

Si'ime tejwaita ie paajinapo aa bitne: [www.ieesonora.org.mx/consejosdistritalesmunicipales](http://www.ieesonora.org.mx/consejosdistritalesmunicipales)

